



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 793, Datë 22.04.2021

“Mbi monitorimin e zbatimit të Vendimit të Komisionit të Konkurrencës nr. 702, datë 30.07.2020, nga ndërmarrja Bankers Petroleum Albania LTD”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Denar BIBA	Anëtar

Në mbledhjen e tij të datës 22.04.2021, shqyrtoi çështjen me:

Objekti: Zbatimi i VKK nr. 702, datë 30.07.2020, “Për mbylljen e procedurës së hetimit të thelluar ndaj ndërmarrjes Bankers Petroleum Albania LTD në tregun e prodhimit dhe tregtimit të naftës bruto dhe dhënien e disa detyrimeve dhe rekomandimeve për ndërmarrjen Bankers Petroleum Albania LTD, Albpetrol dhe AKBN”, nga ndërmarrja Bankers Petroleum Albania LTD.

Baza Ligjore: Neni 8, neni 24, shkronja (d), neni 26 dhe neni 70 i ligjit nr. 9121, datë 28.07.2003 “Për Mbrojtjen e Konkurrencës”, i ndryshuar (Ligji nr. 9121/2003).

Komisioni i Konkurrencës, pas shqyrtimit të relacionit të Sekretarit të Përgjithshëm mbi zbatimin e Vendimit të Komisionit të Konkurrencës nr. 702, datë 30.07.2020 nga ndërmarrja Bankers Petroleum Albania LTD,

VËREN SE :

1. Komisioni i Konkurrencës me vendimin nr. 702/2020, “Për mbylljen e procedurës së hetimit të thelluar ndaj ndërmarrjes Bankers Petroleum Albania LTD në tregun e prodhimit dhe tregtimit të naftës bruto dhe dhënien e disa detyrimeve dhe rekomandimeve për ndërmarrjen Bankers Petroleum Albania LTD, Albpetrol dhe AKBN”, pikat II, III, IV e në vijim të dispozitivit, ka vendosur:
 - II. *Dhënien e rekomandimeve për ndërmarrjen Bankers Petroleum Albania LTD si subjekt me pozitë dominuese në tregun e prodhimit të naftës bruto në RSH:*

1. *Të aplikojë kushte tregtimi të barabarta për veprime tregtare të njëjta ndaj ndërmarrjeve me të cilat hyn në marrëdhënie kontraktore;*
 2. *Të furnizojë ndërmarrjet e përpunimit të naftës bruto në tregun vendas, në respektim të marrëdhënieve kontraktore bazuar në dispozitat e Kodit Civil.*
- III. *Detyrimin e Bankers Petroleum Albania LTD të depozitujë pranë AK:*
1. *çdo raportim tremujor mbi kostot e naftës;*
 2. *çdo raportim tremujor mbi prodhimin e naftës dhe operacionet hidrokarbure.*
- IV. *Detyrimin e Bankers Petroleum Albania LTD të depozitujë pranë AK për vlerësim paraprak çdo draft kontratë që do të lidhë me çdo rafineri, në respektim të detyrimeve që burojnë nga ligji nr. 9121/2003 “Për mbrojtjen e Konkurrencës”, i ndryshuar.*
- V. *T’i rekomandojë Albpetrol SHA, në respektim të Marrëveshjes Hidrokarbure:*
- i. *Të bëjë parashikimet/planifikimin e nevojave të tregut vendas për furnizimet e nevojshme me naftë bruto;*
 - ii. *Të mbikëqyrë planet e furnizimit të tregut vendas nga ana e Bankers Petroleum Albania LTD.*
- VI. *T’i rekomandojë AKBN, në respektim të Marrëveshjes Hidrokarbure:*
- i. *Në bashkëpunim me Albpetrol, të bëjë parashikimet/planifikimin e nevojave të tregut vendas për furnizimet e nevojshme me naftë bruto;*
 - ii. *Të mbikëqyrë dhe monitorojë planet e prodhimit të naftës bruto nga ana e Bankers Petroleum Albania LTD.*
- VII. *Moszbatimi i përmbushjes së pikës II, III dhe IV të këtij vendimi, në zbatim të nenit 73 dhe 74 të ligjit 9121/2003 ndëshkohet me penalitetet përkatëse.*
- VIII. *Monitorimin e sjelljes së ndërmarrjes Bankers Petroleum Albania LTD për një periudhë 1 (një) vjeçare, nga hyrja në fuqi e këtij vendimi. Gjatë periudhës së monitorimit, ndërmarrja Bankers Petroleum Albania LTD duhet të raportojë çdo 3 (tre) muaj pranë AK të dhëna lidhur me ecurinë e zbatimit të pikave II, III dhe IV të këtij vendimi.*
2. *Bazuar në pikën VIII të VKK nr. 702/2020, Autoriteti Konkurrencës po monitoron sjelljen e ndërmarrjes Bankers Petroleum Albania LTD për një periudhë 1 (një) vjeçare, nga hyrja në fuqi e këtij vendimi. Gjatë periudhës së monitorimit, ndërmarrja Bankers Petroleum Albania LTD duhet të raportojë çdo 3 (tre) muaj pranë AK të dhëna lidhur me ecurinë e zbatimit të pikave II, III dhe IV të këtij vendimi.*
 3. *Në zbatim të VKK nr. 702/2020, si dhe në përgjigje të kërkesave tona nr. 307/5 prot. datë 12.11.2020, nr. 307/10 prot, datë 07.12.2020 dhe nr. 168 prot, datë 26.03.2021, ndërmarrja Bankers Petroleum Albania LTD ka depozituar informacion me anë të shkresve: nr. 729/3 prot, datë 20.11.2020; nr. 729/5 prot, datë 29.12.2020; nr. 119 prot, datë 29.01.202; si dhe nr. 306/1 prot, datë 8.04.2021 (protokolluar me tonën nr. 168/1 datë 8.4.2021).*
 4. *Nga përpunimi dhe vlerësimi i informacionit të depozituar si më sipër, në zbatim të VKK nr. 702/2020 dhe detyrave të lëna në seancën dëgjimore të datës 17 dhjetor 2020, rezulton se ky informacion nuk përmbush detyrimet e dhëna Bankers Petroleum Albania LTD*

sipas pikës III të VKK nr. 702/2020, pasi nuk ka sjelle të dhënat e kërkuara sipas kësaj pike.

5. Konkretisht nga informacioni i depozituar me anë të shkresës nr. 306/1 prot, datë 8.4.2021 “Përgjigje shkresës tuajës nr.168 prot. datë 26.03.2021 për monitorimin e zbatimit të vendimit nr. 702/2020 të AK” Bankërs Petroleum Albania LTD nuk ka zbatuar pikën III të VKK nr. 702/2020 në lidhje me kostot e naftës, prodhimin e naftës dhe operacionet hidrokarbure, sjellje kjo e cila në kuptim të nenit 74 pika c të ligjit nr. 9121/2003 gjohet në deri në 10 % të xhiros vjetore për shkelje të rëndë të konkurrencës.
6. Në respektim të pikës IV të VKK 702/2020, ndërmarrja Bankers Petroleum Albania LTD ka depozituar pranë AK draft-kontratën e shitjes së naftës bruto, për periudhën 29 janar 2021 - 31 dhjetor 2021, ndërmjet Bankers Petroleum Albania LTD dhe rafinerinë vendase AL. Global Oil SHA.
7. Pas vlerësimit paraprak të draft-kontratës, nëpërmjet shkresës nr. nr. 306/1 prot, datë 8.04.2021, ndërmarrjes Bankers i është kërkuar bërja e ndryshimeve përkatëse referuar pikave 3.2 dhe 3.3 të nenit 3, si dhe pikës 6.1 të nenit 6 të draf-kontratës, me qëllim vendosjen e Blerësit Al. Global Oil SHA përballë kushteve të drejta të tregtimit.
8. Në përgjigje të këtyre kërkesave, ndërmarrja Bankers ka bërë amendimin e neneve 3 dhe 6 të kontratës fillestare. Konkretisht pika 3.2 është riformuluar duke u hequr e drejta e Bankers për të zgjedhur nëse do të dorëzojë vëllimet e naftës bruto të kërkuara nga blerësi Al. Global Oil SHA, si dhe përcaktohet më qartë procedura e negociimit, nëpërmjet takimeve dhe/ose komunikimeve elektronike, midis palëve mbi hartimin e Programit Muajor të Dorëzimit të naftës bruto, duke reflektuar vërejtjet e bëra nga AK. Por në kundërshtim me nenin 30 të ligjit nr. 9121/2003, ku sanksionohet se: *“1. Anëtarët e Komisionit dhe të gjithë punonjësit e Sekretariatit ose personat e tjerë të autorizuar nga Komisioni për zbatimin e këtij ligji ruajnë sekretin profesional dhe nuk u japin të dhëna konfidenciale, të siguruara gjatë kryerjes së detyrave të tyre, asnjë personi ose institucioni, me përjashtim të rasteve kur duhet të dëshmojnë përpara gjykatës. Kjo vlen dhe pas mbarimit të detyrës. 2. Publikimet e Autoritetit nuk duhet të përmbajnë të dhëna që përbëjnë sekret tregtar.”*, Bankers me pa të drejtë shprehet se: *“Për shkak të detyrimeve kontraktore për konfidencialitetin e këtyre elementëve të marrëdhënies kontraktore e kemi objektivisht të pamundur t’ju vëmë në dispozicion në mbështetje të kësaj komunikimet me email që do të konfirmonin këtë deklaram tonin”*.
9. Sa i përket amendimit të nenit 6.1, ai është riformuluar duke përcaktuar sasinë e furnizimit me naftë bruto të rafinerisë Al.Global Oil SHA edhe për muajt prill, maj e qershor 2021, ndërsa për muajt korrik-dhjetor 2021, përcaktohet se *palët në baza tre mujore do të bien dakord bashkërisht për sasinë e naftës bruto që do të dorëzohet cdo muaj sipas parashikimeve të prodhimit të shitësit/Bankers dhe furnizimin me prodhim të nevojitur nga blerësi/Al.Global.*
10. Sa më sipër rezulton se Bankers në amendimin e bërë nuk ka zbatuar kërkesat e AK sipas shkresës nr. 168 prot, datë 26.03.2021, mbi përcaktimin e sasisë së furnizimit të

naftës bruto për gjithë muajt e vitit 2021, bazuar në nevojat normale të rafinerisë Al.Global Oil SHA, me qëllim vendosjen e Blerësit Al. Global Oil përballë kushteve të drejta të tregtimit.

11. Refruar pikës II/2 të VKK nr. 702/2020, ndërmarrjes Bankers Petroleum Albania LTD si një ndërmarrje me pozitë dominuese në tregun e prodhimit të naftës bruto në RSH, i është rekomanduar që: *“Të furnizojë ndërmarrjet e përpunimit të naftës bruto në tregun vendas, në respektim të marrëdhënieve kontraktore bazuar në dispozitat e Kodit Civil”*.
12. Për vetë natyrën periodike dhe të vazhdueshme të kontratës së furnizimit me naftë bruto, në përmbushje të detyrimeve që ka Bankers si palë furnizuese me pozitë dominuese në tregun e prodhimit të naftës bruto, nevojitet që në kontratën përkatëse të përcaktohet sasia e furnizimit të naftës bruto për muaj, bazuar në nevojat normale të rafinerisë Al.Global Oil SHA, si dhe të bëjë ndryshimet përkatëse në kontratë me qëllim vendosjen e Blerësit Al. Global Oil përballë kushteve të drejta të tregtimit.
13. Për sa më sipër konstatohet moszbatimi i detyrimeve të përcaktuara sipas pikës III të VKK nr. 702/2020 nga ana e ndërmarrjes Bankers Petroleum Albania LTD.

PËR KËTO ARSYE:

Komisioni i Konkurrencës, bazuar në nenin 8, nenin 24, shkronja (d), nenin 45 dhe 70 të ligjit nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

- I. Detyrimin e Bankers Petroleum Albania LTD, si ndërmarrje me pozitë dominuese në tregun e prodhimit të naftës bruto, të zbatojë detyrimet e dhëna me VKK nr. 702/2020.
- II. Detyrimin e ndërmarrjes Bankers Petroleum Albania LTD si ndërmarrje me pozitë dominuese në tregun e prodhimit të naftës bruto në RSH:
 - Të aplikojë kushte tregtimi të barabarta për veprime tregtare të njëjta ndaj ndërmarrjeve me të cilat hyn në marrëdhënie kontraktore;
 - Të furnizojë ndërmarrjet e përpunimit të naftës bruto në tregun vendas, në respektim të marrëdhënieve kontraktore bazuar në dispozitat e Kodit Civil.
- III. Detyrimin e Bankers Petroleum Albania LTD të depozitojë pranë AK:
 - çdo raportim tremujor mbi kostot e naftës;
 - çdo raportim tremujor mbi prodhimin e naftës dhe operacionet hidrokarbure.
- IV. Në vendimin e Komisionit të Konkurrencës nr. 702/2020, “Për mbylljen e procedurës së hetimit të thelluar ndaj ndërmarrjes Bankers Petroleum Albania LTD në tregun e prodhimit dhe tregtimit të naftës bruto dhe dhënien e disa detyrimeve dhe rekomandimeve për ndërmarrjen Bankers Petroleum Albania LTD, Albpetrol dhe AKBN”, periudha e monitorimit e përcaktuar në pikën VIII, shtyhet deri në 31 korrik të vitit 2022.

- V. Në rast të mos përmbushjes së detyrimeve të përcaktuara në këtë vendim, ndërmarrja Bankers Petroleum Albania LTD ndëshkohet me gjobë deri në 10 % të xhiros vjetore për shkelje të rëndë të konkurrencës në zbatim të nenit 74, pika 1, gërma (c) të ligjit nr. 9121/2003.
- VI. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.

KOMISIONI I KONKURENCËS